

B100

全漢三國晉南北朝詩

丁福保編

全漢三國晉南北朝詩

下冊

中華書局

全梁詩卷一

武帝

名衍。字叔達。小字練兒。梁天監元年即帝位。太清三年。侯景攻陷宮城。以所求不供。憂憤寢疾崩。有周易講疏三十五卷。尙書大義二十卷。又十一卷。毛詩發題序義一卷。禮記大義十卷。鍾律緯六卷。孝經義疏十八卷。孔子正言二十卷。通史四百八十卷。老子講疏六卷。兵書鈔一卷。兵書要鈔一卷。金策三十卷。園菜品一卷。碁法一卷。集三十二卷。詩賦集二十卷。淨業賦三卷。雜文集九卷。別集目錄二卷。

樂府

芳樹

綠樹始搖芳。芳生非一葉。一葉度春風。芳華一作芳芳自相接。雜色亂參差。衆花粉重疊。重疊不可思。思此誰能愜。

有所思

誰言生離久。適意與君別。意諸本並同。以文意推之。當作憶。適憶與君別。即文通古離別送君如昨日意。衣上芳猶在。握裏書未滅。腰中一作間雙綺帶。夢爲同心結。常恐所思露。瑤華未忍折。

臨高臺 樂府作簡文帝詩。

高臺半行雲。望望高不極。高不文苑英華作不可草樹無參差。山河同一色。髣髴洛陽道。道遠難別識。別文苑英華作可誤玉階故情人。
情人文苑英華作人情誤情來共相憶。共文苑英華作苦

雍臺

日落登雍臺。佳人殊未來。綺窗蓮花掩。網戶琉璃開。華茸臨紫桂。蔓延交青苔。月沒光陰盡。望子獨悠哉。

擬長安有狹邪行 帝王集作魏武帝者。非。

洛陽有曲陌。曲陌一作陌曲不通驛。忽遇一作逢二少童。扶轡問君宅。我一作君宅邯鄲右。易憶復可知。大息組紃縑。中息
佩陸離。小息尚青綺。總轡一作角遊南皮。三息俱入門。家臣拜門垂。三息俱升堂。旨酒盈千卮。三息俱入戶。戶內
有光儀。大婦理金翠。中婦事玉一作么觴。小一作少婦獨閒暇。調笙遊曲池。丈人一作夫少徘徊。鳳吹方參差。

擬青青河畔草

幕幕繡步一作戶絲。悠悠懷昔期。昔期久不歸。鄉國曠音輝。一作徵音輝空結遲。半寢覺如至。既寤一作寢了無形。與
君隔平一作死生。月以雲掩光。葉以霜摧老。葉以樂府詩集作葉似誤摧疑作催當途競自容。莫肯爲一作與妾道。此擬至離青相爲言句而止似非完篇然別無可致姑以宋刻

爲玉臺
據

擬明月照高樓

圓魄當虛闔。清光流思筵。筵思照一作孤影。思筵思四字諸本對。並同然不甚可解。悵怨還自憐。臺鏡早生塵。匣琴又無弦。一作悲慕屢傷節離憂亟華年。君如東櫓一作景。妾似西柳煙。相去既路迴。明晦亦殊懸。願爲銅鐵轡。以感長樂前。

閨闔篇

西漢本佳妍。金馬望甘泉。衛尉屯兵上。期門曉漏傳。猶重河東賦。欲知追神仙。羽騎凌雲轉。閨闔帶空懸。長旗掃月窟。鳳迹輾星躔。但使丹砂就。能令億萬年。

邯鄲歌

回顧灞陵上。北指邯鄲道。短衣妾不傷。南山爲君老。

子夜歌二首

武帝清商諸曲。並見玉臺新詠。其與樂府不同者。注各題下。

特愛如欲進。含羞未肯前。未肯古樂府作出不朱口發豔歌。朱口未刻玉臺作口玉指弄嬌絃。樂府作古辭下同朝日照綺窗。一作錢光風動紈羅。一作素巧笑倚一作兩犀。美目揚雙蛾。

子夜四時歌

春歌四首

階上香入懷。

香宋刻玉臺作歌誤今從藝文類聚

庭中花照眼。春心一如此。

一樂府詩集作鬱誤情來不可限。可限藝文類聚作自懷誤

蘭葉始滿地。

一作池

梅花已落枝。持此可憐意。摘以寄知心。

朱日光素冰。

黃花映白雪。折梅待寄。

一作佳人共道陽春月。

道字未詳樂府詩集作迎較有文義

花塢蝶雙飛。柳隄鳥百舌。不見佳人來。徒勞心斷絕。

樂府不載

夏歌四首

江南蓮花開。紅花覆碧水。色同心復同。藕異心無異。

藝文類聚別載一首曰江南蓮花水紅光復碧色同絲有同藕異心無異葯未詳卽此首之別本抑或另一首也

閨中花如繡。簾上露如珠。欲知有所思。停織復躊躇。

玉盤著

貯一作

朱李。金杯盛白酒。雖欲持自親。

親宋刻玉臺誤作新今從樂府詩集

復恐不甘口。

含桃落花日。黃鳥營飛時。君住馬已疲。妾去蠶欲饑。

已古樂府作欲欲古樂府作已

秋歌四首

繡帶合歡苴。

苴漏氏校本作炬誤樂府詩集作結義可兩存藝文類聚作給亦結字誤刊也

錦衣連理文。懷情入夜月。

懷情宋刻玉臺作情懷今從樂府詩集

含笑出朝雲。

七采紫金柱。

九華白玉梁。但歌雲

一作

不去。含吐有餘香。

吹滿未可停。

滿宋刻玉臺作蒲樂府詩集作漏並誤今從詩紀

絃斷當更續。俱作雙絲引。

絲樂府詩集作思

共奏同心曲。

當信抱梁期。莫聽回風音。鏡中兩入髻。此句未詳中樂府詩集作上亦未詳分明無兩心。

冬歌四首

寒閨動轍帳。密筵重錦席。賣眼拂長袖。含笑留上客。

別時鳥啼戶。今晨雪滿墀。過此君不返。但恐綠鬢衰。樂府所載古辭一首與此小異

果欲結金蘭。但看松柏林。經霜不墮一作墜地。歲寒無異心。樂府作古辭

一年漏將盡。萬里人未歸。君志固有在。妾軀乃無依。樂府不載

歡聞歌二首

豔豔金樓女。心如玉池蓮。持底報郎恩。俱期遊梵天。梵樂府詩集作楚誤

南有相思木。合影復同心。合影宋刻玉臺作含情誤今從樂府詩集游女不可求。誰能空息一作空陰。樂府詩集作識得音誤

團扇歌 樂府作王金珠詩。

手中白團扇。淨如秋團月。團藝文類聚作圓清風任動生。嬌香隨一作承意發。香隨樂府詩集作聲任藝文類聚作香乘

碧玉歌 樂府失名。

杏梁日始照。蕙席歡未極。碧玉奉金杯。綠酒助花色。

上聲歌 樂府作王金珠詩。

花色過桃杏。名稱重金瓊。名歌非下里。含笑作上聲。

襄陽蹋銅蹄歌二首

英華作白銅鞮。隋書樂志曰。梁武帝之在雍鎮。有童謠云。襄陽白銅蹄。反縛揚州

兒。識者言曰。白銅蹄。謂金蹄爲馬也。白。金色也。及義師之興。實以鐵騎。揚州之士皆面縛。果如謠言。故卽位之後。更造新聲。帝自爲之詞。三曲。又令沈約爲三曲。以被管絃。古今樂錄曰。襄陽蹋銅蹄者。梁武西下所製也。沈約又作其和云。襄陽白銅蹄。聖德應乾來。

陌頭征人去。閨中女下機。含情不能言。送別沾羅衣。

草樹一作木非一香。花葉一作叢百種色。寄語一作情故情人。知我心相憶。

龍馬一作頭或作門紫金鞍。翠眊白玉羈。照耀雙闕下。知是襄陽兒。

楊叛兒

桃花初發紅。芳草尙抽綠。南音多有會。偏重叛兒曲。

白紵辭二首 以下七言。

朱絲玉柱羅象筵。飛瑄促節舞少年。短歌流目未肯前。含笑一轉私自憐。
纖腰嫋嫋不任衣。嬌怨一作態獨一作特立。特一作獨爲誰。赴曲君前未忍歸。上聲急調中心飛。

河中之水歌

玉臺藝文作古辭。今從樂府詩集。

河中之水向東流。洛陽女兒名莫愁。莫愁十三能織綺。十四采桑南陌頭。唐藝文類聚作東十五嫁爲盧家郎。一作婦十六生兒字一作似阿侯。盧家蘭室桂爲梁。中有鬱金蘇合香。頭上金釵十二行。足下絲履五文章。珊瑚掛鏡爛生一作生輝光。平頭奴子提一作擊履箱。人生富貴何所望。恨不早嫁東家王。早嫁宋刻玉臺作嫁與今從古樂府

東飛伯勞歌

一云紹古歌。玉臺藝文樂府並作古辭。今從文苑英華。

東飛伯勞西飛燕。黃姑織女時相見。李義山燕詩有去應逢阿母句自注引古詞東飛伯勞西飛燕黃姑阿母時相見則織女字當作阿母然黃姑織女義取相望阿母則於義似無所取桂華馮馮庚子山誤讀漢書弋者何慕張曲江詠誰家女兒一作兒女對門居。開顏發豔照里閭。南窗北牖挂明光。宋刻玉臺及藝文類聚並顏作華豔作色今從文苑英華及古樂府挂明羅帷綺帳脂粉香。女兒年幾十五六。窈窕無雙美一作顏如玉。三春已暮花從風。空留可憐與誰同。與誰文苑英華古樂府並作誰與

江南弄

七曲。古今樂錄曰。梁天監十一年冬。武帝改西曲。製江南上雲樂十四曲。江南弄七曲。一曰江南弄。

二曰龍笛曲。三曰採蓮曲。四曰鳳笙曲。五曰採菱曲。六曰遊女曲。七曰朝雲曲。又沈約作四曲。一曰趙瑟曲。二曰秦箏曲。三曰陽春曲。四曰朝雲曲。亦謂之江南弄云。以下雜言。

江南弄 古今樂錄曰。江南弄三洲韻。

和云。陽春路。娉婷出綺羅。

衆花雜色滿上林。舒芳耀綠垂輕陰。連手踐蹀舞春心。舞春心。臨歲腴。中人望。獨踟蹰。

龍笛曲

和云。江南音。一唱值千金。

美人綿眇在雲堂。雕金鏤竹眠玉牀。婉愛寥亮繞虹梁。一作紅繞虹梁。流月臺。駐狂風。鬱徘徊。

採蓮曲 文苑英華作吳均。今從樂府。玉臺作武帝。採菱曲同。

和云。採蓮渚。窈窕舞佳人。

遊戲五湖採蓮歸。發花田葉芳襲衣。爲君豔一作儂歌世所希。世所希。有如玉。江南弄。採蓮曲。

鳳笙曲

和云。弦吹席。長袖善留客。

綠耀冠碧彫琯笙。朱脣玉指學鳳鳴。流連參差飛且停。飛且停。在鳳樓。弄嬌響。聞清謳。

採菱曲

和云。菱歌女。解佩戲江陽。陽一作南

江南稚女珠腕繩。金翠搖首紅顏興。桂櫂容與歌採菱。歌採菱。心未怡。翳羅袖。望所思。

遊女曲

和云。當年少。歌舞承酒。

酒或作歡笑。

氛氲蘭麝體芳滑。容色玉耀眉如月。珠佩嫋嫋戲金闕。戲金闕。遊紫庭。舞飛閣。歌長生。

朝雲曲

和云。徒倚折耀華。

張樂陽臺歌上調。

一作歌。

如寢如興芳

一作若。

掩曖。容光既豔復還沒。復還沒。望不來。巫山高。心徘徊。

上雲樂

七曲。

古今樂錄曰。上雲樂七曲。梁武帝製以代西曲。一曰鳳臺。二曰桐柏。三曰方丈。四曰方諸。五曰

玉龜。六曰金丹。七曰金陵。

鳳臺曲

和云。上雲真。樂萬春。

鳳臺上。兩悠悠。雲之際。神光朝天極。華蓋遏延州。羽衣昱耀。春吹去復留。

桐柏曲

和云。可憐真人遊。

桐柏真。昇帝賓。戲伊谷。遊洛濱。參差列鳳管。容與起梁塵。望不可至。徘徊謝時人。

方丈曲

方丈上。峻層雲。挹八玉。御三雲。金書發幽會。碧簡吐玄門。至道虛凝。冥然共所遵。

方諸曲 古今樂錄曰方諸曲三洲韻。

和云。方諸上。可憐歡樂長相思。

方諸上。上雲人。業守仁。縱金集瑤池。步光禮玉晨。霞蓋容長肅。清虛伍列真。

玉龜曲

和云。可憐遊戲來。

玉龜山。真長仙。九光曜。五雲生。交帶要分影。大華冠晨纓。一作壽如玄羅。出入遊太清。

金丹曲

和云。金丹會。可憐乘白雲。

紫霜耀。絳雪飛。追以還。轉復飛。九真道方微。千年不傳。一傳裔雲衣。

金陵曲

句曲仙。長樂遊洞天。巡會跡。六門揖。玉板登金門。鳳泉迴肆。鸞羽降尋雲。鸞羽一流。芳芬鬱氛氲。

詩

逸民

一作逸民吟。四言。

任重悠悠。生涯浩浩。善難拔茅。惡易蔓草。逆思藥石。懇求非道。珠豈朝珍。璧寧國寶。想賢若焚。憂人如擣。其我聞在昔。有古天子。虞華駢聖。周昌多士。緝熙朝野。體邦經始。其惟河出圖。唯岳降神。是代皆有。何代無人。懷寶迷邦。

高尚隱淪。價待哲后。見須明君。伊予不聰。故闕斯聞。其目因見生才爲時育何爲山阿何爲空谷聲殊雝雝響異
呦鹿。豈須託夢。寧俟延下。想象屠釣。踟躕板築。其仁者博愛大士兼撫慈均春陽澤若時雨心忘分別情無去取
等皆長養。同加軀煦。譬流趨海。如子歸父。其五顧探懷抱非爲富貴代既同人時亦皆醉六合岳崩九州海沸事須
經綸。屬當連師。投袂劍起。澄清涇渭。其六念我棲遲安步任心夏興石泉春遊香林歡踰絲竹樂過瑟琴無疑無難
誰訶誰禁。百非不起。萬累俱沈。其七思懷友朋遠至歡適躬開二敬徑延三益繾綣故舊綢繆宿昔善言無違相視
莫逆。情如斷金。義若投石。其八仲節猶嫩春色始嬌湛露未晞輕雲已消綠竹猗猗紅桃夭夭香氣四起英蕊六搖
蜂開採花。雀戲新條。其九風光綠野日照青丘孺鳥初飛新泉始流乘輿攜手連步同遊採芳中阿折華道周任情
止息。隨意去留。其十如壘生木木有異心如林鳴鳥鳥有殊音如江游魚魚有浮沈巖巖山高湛湛水深事跡易見
理相難尋。其十一晨朝已失。桑榆復過。漏有去箭。流無還波。切念不減。疑慮益多。季俗易驕。危心少和。我之憂矣。用
是作歌。其十二

直石頭 以下五言。

率土皆王士。安知全高尚。東壘棄黍稷。西遊入卿相。屬逢利建始。投分參末將。尺寸功未施。河山賞已諒。攝官因
時暇。曳裾聊起望。鬱盤地勢遠。參差百雉壯。翠壁絳霄際。丹樓青霞上。夕池出濠渚。朝雲生疊嶂。籠鳥易爲恩。屠
羊無飾讓。泰階端且平。海水本無浪。小臣何日歸。頓轡從閒放。

答任殿中宗記室王中書別

武帝初仕齊。爲隨王鎮西諮議參軍。隨王鎮荊州。帝赴鎮時。同列以詩送

別。

問我去何節。光風正悠悠。蘭華時未晏。舉袂徒離憂。緩客承別酒。鳴琴和好仇。清宵一已曙。藐爾泛長洲。眷言無歇緒。深情附還旋音流。

宴詩

止殺心自詳。勝殘道未遍。四主漸懷音。九夷稍革面。世治非去兵。國安豈忘戰。釣臺聞史籍。岐陽書記傳。闕

首夏泛天池

薄遊朱明節。泛漾天淵池。舟楫互容與。藻蘋相推移。碧沚紅菌萐。白沙青漣漪。新波拂舊石。殘花落故枝。葉軟風易出。草密路難披。

登北顧樓

梁史。武帝大同十年三月幸京口城。登北固樓。更名北顧。

歇駕止行轡。迴輿暫遊識。清道巡丘壑。緩步肆登陟。鴈行上差池。羊腸轉相逼。歷覽窮天步。矚矚盡地域。南城連地險。北顧臨水側。深潭下無底。高岸長不測。舊嶼石若構。新洲花如織。

天安寺疏圃堂

乘和蕩猶豫。此焉聊止息。連山去無限。長洲望不極。參差照光彩。左右皆春色。唵嚳囑遊絲。出沒看飛翼。其樂信難忘。翛然寧有飾。一作極

藉田

寅賓始出日。律中方星鳥。千畝土膏紫。萬頃陂色縹。嚴駕佇霞昕。浥露逗光曉。啓行天猶暗。伐鼓地未悄。蒼龍發蟠蛻。青旂引窈窕。仁化洽孩蟲。德令禁胎夭。耕藉乘月映。遺滯指秋杪。年豐廉讓多。歲薄禮節少。公卿秉耒耜。庶氓荷鉏耰。一人慙百王。三推先億兆。

馮默菴曰。藉田。藝文止八句。至歲薄禮節少止。初學有公卿秉耒耜四句。而無仁化洽孩蟲等六句。未知此六句竟在何所。不得以意連屬也。

撰孔子正言竟述懷詩

隋志。孔子正言二十卷。梁武帝撰。

志學恥傳習。弱冠闕師友。愛悅夫子道。正言思善誘。刪次起實沈。殺青在建酉。孤陋乏多聞。獨學少擊叩。仲冬寒氣嚴。霜風折細柳。白水凝澗谿。黃落散堆阜。康哉信股肱。惟聖歸元首。獨歎予一人。端然無四友。

遊仙

水華究靈奧。陽精測神祕。具聞上仙訣。留丹未肯餌。潛名遊柱史。隱迹居郎位。委曲鳳臺池。一作日。分明柏寢事。蕭史暫徘徊。待我升龍轡。

遊鍾山大愛敬寺

曰予受塵縛。未得留蓋纏。三有同永夜。六道等長眠。才性之方便。智力非善權。生住無停相。剎那卽徂遷。歎近比悠稔。交臂乃奢年。從流旣難反。弱喪謂不然。二苦常追隨。三毒自燒然。貪癡養憂畏。一作熱惱坐焦煎。道心理歸終。信首故宜先。駕言追善友。回輿尋勝緣。面勢周大地。縈帶極長川。稜層疊嶂遠。迤邐墜道懸。朝日照花林。光風起香山。飛鳥發差池。出雲去連綿。落英分綺色。墜露散珠圓。當道蘭蕙靡。臨階竹便娟。幽谷響嚶嚶。石瀨鳴濺濺。蘿短未中攬。葛嫩不任牽。攀緣傍玉澗。褰陟度金泉。長途弘翠微。香樓間紫煙。慧居超七淨。梵住踰八禪。始得展身敬。方乃遂心虔。菩提聖種子。十力一作良福田。正趣果上果。歸依天中天。一道長死生。有無離二邊。何待空同右。豈羨汾陽前。以我初覺意。貽爾後來賢。

會 一作述 二教

少時學周孔。弱冠窮六經。孝義連方冊。仁恕滿丹青。踐言貴去伐。爲善存好生。中復觀道書。有名與無名。妙術鑲金版。眞言隱上清。密行貴陰德。顯證表長齡。晚年開釋卷。猶日映衆星。苦集始覺知。因果乃方明。示教惟平等。至理歸無生。分別根難一。執著性易驚。窮源無二聖。測善非三英。大椿徑億尺。小草裁云萌。大雪降大雨。隨分各受

榮。心想起異解。報應有殊形。差別一作池豈作意。深淺固物情。

和太子懺悔 太子卽簡文。

玉泉漏向盡。金門光未成。繚繞聞天樂。周流揚梵聲。蘭湯浴身垢。懺悔淨心靈。萋草獲再鮮。落花蒙重榮。

十喻五首

幻

揮霍變三有。恍惚隨六塵。蘭園種五果。雕案出八珍。對見不可信。熟視事非真。空生四岳想。徒勞七識神。著幻是幻者。知幻非幻人。

如炎

亂念矚長原。例見望遙局。逶迤似江漢。汎濫若滄溟。金波揚素沫。銀浪翻綠萍。遠思如可取。近至了無形。熱緣熱惚逼。渴愛渴心生。

靈空

物情異所異。世心同所同。狀如薪遇火。亦似草行風。迷惑三界裏。顛倒六趣中。五愛性洞遠。十相法靈沖。皆從妄所妄。無非空對空。

乾闥婆